

拍《愛·回家》入屋

盼被姚焯菲暗戀

# 何晉樂曾經迷失 「角色救咗我」



何晉樂專心拍劇，但不會放棄歌唱事業。

歌唱比賽《聲夢傳奇》出身的何晉樂(Rock)有幸拍攝無綫處境劇《愛·回家之開心速遞》，開啟歌視雙線發展之路。他坦言加入劇組前處於迷失期，不知道前路如何走下去，所以很感激公司給予機會：「呢個角色可以話救咗我！」

採、攝：記者 子棠

何晉樂於《愛》劇飾演樊亦敏兒子。



新生代歌手何晉樂入行數年，主力唱歌及擔任節目主持。去年6月他加入《愛·回家》劇組，飾演龍家三房兒子龍舟(Joe)，他開心稱現時走到街上，很多市民都叫他「Joe少」，證明劇集影響力強勁。

畢業於英國名校及擁有藥劑師牌的Rock與角色有共通點，都是外國讀書回港，亦同樣是28歲，他更透露有一個隱藏的共通之處：「我個角色係為咗唔想工作，所以一直留喺外國讀書，最後為咗應付媽咪先返香港嘅『小屁孩』，亦無意爭

家產，所以選擇留喺公司IT部做一個冗員，主要係玩，其實都有啲似一年前嘅我。」

## 希望歌視平衡發展

Rock坦言當時很迷失，不知自己的工作方向，處於摸索心態：「諗過不如先玩一陣，因為舊年年初發表新歌後，好似冇乜工作，唔知之後應該點做。嗰時我比較失落，突然之間收到加入劇組嘅好消息，好多謝公司畀我呢個機會，等我有新嘗試，呢個角色可以話救咗我，亦令我對拍劇產生興趣，希望未來有機會挑戰更多唔同角色，有更多新嘗試。當然我唔會放棄唱歌，如果可以歌視平衡發展就最好。」

「聲夢」好友Chantel亦加入了《愛·回家》，問到若有感情戲會更容易處理還是更難駕馭？Rock認為大家合作起來應該較易，但大家一定忍不住笑。他忽發奇想說：「之前我喺《青春本我》暗戀佢，如果我哋喺《愛·回家》真係有感情線，最好今次輪到佢暗戀我，咁我一定演得更容易，事關扮Cool就得，哈哈！」



何晉樂期待與姚焯菲有對手戲。資料圖片



張繼聰(左二)很开心與大馬演員合作。

## 張繼聰追求心中富有


由張繼聰、吳肇軒、吳岱融、朱咪咪、韓曉曉、童繽毓等香港與馬來西亞演員主演的電影《做個有錢人》，將於5月29日在香港上映。張繼聰表示當初接拍這部電影，抱着學習心態去參演，因可跟來自不同地方的演員合作，了解當地電影文化，希望擦出火花，加上有不少香港前輩演員，即使異地開工，也份外有親切感。

張繼聰說：「電影主人翁係真人真

事，係一個白手興家嘅拿督，劇本同訊息好正面。我拍呢部電影都思考過何謂富有？我當初出道都唔敢奢望自己有今日嘅機會，同埋依家所得嘅一切，所以我好感恩，當然我一直努力付出。但任我幾有錢，都唔及家人身體健康重要。就算家財萬貫，但每晚要食安眠藥先瞓到，賺嘍嘍錢大部分用嚟睇病，做個咁嘅有錢人又有乜意思？所以心中富有嘅有錢人，先係我真正追求。」

## 靚湯38歲生日收驚喜

湯洛雯(靚湯)前日38歲生日，與老公馬國明外出撐枱腳慶祝。馬國明送上大束鮮花及心形蛋糕給老婆，非常甜蜜。人緣甚好的靚湯，先後與好姊妹朱千雪、岑杏賢、蔣家旻等慶祝，最少吃了6個生日蛋糕。她昨日在社交平台分享慶生照及留言：「我很幸運，能被我親愛的朋友、我珍貴的家人和我出色的丈夫包圍，你們總是讓我感到特別，謝謝你們給我帶來的所有驚喜。我的愛人，今年你絕對讓我大吃一驚，呵呵！掌聲！」馬國明留言：「老婆，生日快樂！」



馬國明與湯洛雯婚後恩愛如昔。



游游示範人比花嬌。

## 游嘉欣花田留影如詩如畫

「無綫小花」游嘉欣(游游)早前到貴州拍旅遊節目《養生之旅》，除了品嚐當地美食外，又親親大自然吸靈氣。她於社交平台上載花絮照，身處花田的她背後崇山峻嶺，美不勝收。由於花田隨處可見掉地上的小黃花，游游隨手執起一朵，並將花放在耳朵上，非常可愛。她留言：「有咩靚得過山同花做背景，好似入咗幅畫嘢。」不少網民讚游游人比花嬌：「靚花、靚景、靚人統統靚。」由於游游現時拍新劇《俠醫》，有網民為她打氣：「都係游游最靚，拍《俠醫》要加油！」